

Ekap zagât Peteronjâ kulemguip.

Mâsop den.

1 ¹ Simonj Petero, Yesu Kristogât kore a sot Aposolo, nânjâ nen sot târâarak marijâ, Anutu sot kubikkubikniñjâ Yesu Kristo, zekâren nânjgâm pâlâtân kwatzikâm ândibigât diizingip, zengât ekap zi kulemgum zingan. ² Zen Anutu sot kembuniñjâ Yesu, zet sot pâlâtân op ândiegât um lumberjâ sot tânzânjogozânjogon walâwalânj zengâren zem zâibap.

Singi âlipkât bon muyagem âibi.

³ Yesu zâk imbanjâñandâ nen um hâlâlu sot târâarak ândinatkat imbanjâ niñgi ândien. Zo nen Anutugât tobat yatâ ândinat sot zâk sot neule âsakñan ândinatkat diiningâm zâkkât topñjâ muyageniñgi zâk sot pâlâtân urâwen. ⁴ Zâk yatâ op umgât gom sambe patâ niñgâbap, zorat singi sâip. Den zi nânjindâ zorat bonñjâ niñjan muyagei hânân âkñâlegât tâmbetagoagon ziap, zo kândâtkom Anutu sot pâlâtân op holi tobat kânok utnatkât sâip.

⁵ Zorat zen nânjgâm pâlâtân kwâkñangâm ândie, zen kâtigine târâarak ândiândiziñ muyagibap. Târâarak ândiândiziñandâ top nânjânânjgâziñ muyagibap. ⁶ Nânjânânjgâziñandâ um kendon muyagibap. Um kendonñjâ kâtikkâtigiñjâ muyagibap. Kâtikkâtigiziñandâ singi âlip sot ninâugât bâbâlanj orotñjâ muyagibap. ⁷ Singi âlip sot ninâugât bâbâlanj upmenjâ buku op ândiândiñ muyagibap. Buku op ândiândiñandâ tânagoagon muyagibap.

⁸ Kut ñâi zo aksik zengâren muyagem ze Kembuniñjâ Yesu Kristo sot pâlâtân op ândim nep tuune bon buñ mân upap. ⁹ Ka ñâi zâk kut ñâi zo buñ ândibap, zâkkât itâ sâsânj. Zâk siñ bâpsâsânj sot um kâtik. Mârumñan sanjon kubigip, zo nelâmkoi ândiap. ¹⁰ Bukurâp, zen Kembunjâ gâsum sâlâpzanjgoip, zorat kâtigem Kembu sot pâlâtânj ândibi. Zo zengâren bon upapkât kâtigibi. Zen yatâ op ândimñjâ mân lorem birâbi. ¹¹ Kâtigem op

ândine kubikkubikniñâ, Kembu Yesu Kristo, zâkñâ diiziñgi sumbemgât kiñ topñan bagim ândim zâimambi.

Petero zâk mumbapkât kânñan nânñip.

¹²Zen den zo aksik kwâkâm ziñgâwe, zo nânñan. Oi zen den bonñâ nânñamñâ mem kâtigem ândie, zo nânñam lañ den zorik dâzânñgom ândibat. ¹³⁻¹⁵Nâ hân sâk birâbatkât narâkñâ itâ nânñan. Zo mân kêrep uap. Den zo Kembuniñâ Yesu Kristoñâ sapsun nigip. Oi nâ birâziñga den zo nânñam ândim zâibigât ekap zi ziñgan. Nâ itâ nânñan. Nâ zi sâk sot ândim den zo dâzânñgom ândia dâp upap.

Peteroñâ Kembugât neule âsakñâ egip.

¹⁶Den siñgi dâzânñgowen, zo bonñâ. Zo den pat mo siñgi yennâ a niin nânñanânñgâyân gâbâ mân dâzânñgowen. Nen Kembugât neule âsakñâ sot imbañâ igâwen. Zo yatâ ekñâ imbañâ sot takâtakâñâ zorat den siñgi dâzânñgowen. ¹⁷Nen Yesu sot bâkñan tâindâ sumbemân gâbâ neule âsakñâ zâkkâren gâi Anutu Ibâñâ sâam âlip den dukui. Oi Yesugât itâ sâip, “Zi nannâ. Umnandâ zâkkârenâk kinmap. Zâkkât nânnga âlip ñâi uap.” ¹⁸Nen zâk sot ârândânñ tirik bâkñan zarindâ den zo sumbemân gâbâ gâi nânñgâwen. ¹⁹Oi zorat nen Propete a zengât den nânñindâ bon opmap.

Den zo kêrâp âsakñâ ñâtâtigân âsagemap yatâ. Zen zoren ek ândine mirâ hañsâbap. Oi umziñan sâñgelak patâ, Yesu, zâkkât âsakñandâ maa yatâ âsagibap. ²⁰Den patâ zi sa nânñgânek. Propete a, ziñ kut ñâi ñâi gâtâm âsagibap, zorat sâam Kembugât ekabân kânñan kulemguwe. Zorat topñâ añâ zikñâ umgât mân sâbap. ²¹Den zo a ziñâ umziñanñgârâk mân sâwe. Buñâ. Tirik Kaapumñâ den zo Anutugâren gâbâ mem umziñan pâi den zo sâwe. Zorat añâ zik umgât den zorat topñâ mân sâbap. Tirik Kaapumñâ den zorat topñâ sapsunñgi âlip sâbap.

Siñgi âlip ku a, zengât den.

2 ¹Mârumñan Isirae a zengâren propete a sarâñâ nâmbutñâ zo muyagem ândiwe. Oi narâk ziren zengâren yatik kwâkâm ziñgâ a sarâñâ muyagibi. Zen siñgi âlipkât sâam gulip tigâk muyagei zengâren kâsâp muyagibap. Oi a yatâ zo Kembuñâ tosaziñanñgât op mom sâñgânziñ meip, zâk kwâimbânñanñgâbi. Yatâ utne tâmbetagoagon muyageziñgâbap. ²Oi zen lañ mâman ândiândiñ nep tuune a donñep ziñ ziñgit wâratzânñgobi. Yatâ utnetâ ko den bon mâtâp zo sâam bâliñ kwapi. ³Zen kât sikumgât âkñâle opñâ den sarâ sâam kut ñâi ñâi zo lañ betziñan mimbi. Ka zen ko itâ nânñgâbi, “Mârumñan gâbâ zengât hâuñanñgât sâbam ândim gâip. Oi tâmbetzânñgobapkât sâsânñ, zo tâmbetzânñgobapkât mambâtziñgâm ândiap.”

A mârurņan hâuņâ ziņģip, zorat den.

⁴Anutugât nâņģâmen. Zâk sumbem a nâmbutņâ bâliņ utne mân birâziņģip. Buņâ. Simân kâbakņezingi ņâtâtigân tâk namin geiwe. Zoren den hâuņâ sâsâņangât narâkņâ mambât ândie.

⁵Anutu zâk mârurņan bâliņ mâme a mân birâziņģip. Noaņâ ândiândi târârakât mâtâp zorat a ambân dâzâņgomâip. Zâk sot a ambân nâmburân zagât zen waņģâyân zâim gwâlâ ândiwe. Oi bâliņ mâme a zeņģâren too uurup patâņâ takâm gwâkâziņģip.

⁶Narâk ņâin Sodom sot Gomora kamân yatik buņ upabotkât sâi kârâp zikesei buņ urâwet. Zo bâliņ mâme a bet muyagem ândibi, zeņģât girem sâm yatâ oip. ⁷Ka a târârakņâ, Loti, zâk bâliņ mâme a ziņ laņ gulip ândine zorat nâņģi mân dâp oi Kembuņâ kâmut zobâ gâsuip. ⁸(Loti zâk a târârakņandâ osetziņan ândei zen bâliņ top top utne sirâmņâ sirâmņâ ek nâņģâm umņâ bâliņ oi ândei.) ⁹Zorat itâ sâbâ. Kembuņâ a târârakņâ mâsimâsikâyân loribegât op tânzâņgomap. Oi bâliņ mâme a zen hâuņangât narâgân sâknam ziņģâbapkât tâk namin zâmbanmap. ¹⁰A umziņ bâliņangât kinmap, zen laņ mâman opņâ Kembu sot sumbem a zâizâiņâ sâm bâliņ kwatziņģâme. Kembuņâ a yatâ zo tâk namâ kâtikņan zâmbanbap. A yatâ zorâņ keņģât buņâ den kwâkziņan sâm sumbem a âsakņâ sot imbaņâziņoot zen sâm bâliņ kwatziņģâme. ¹¹Yatâ upme. Ka sumbem a zen imbaņâ sot kâwali top ņâi zemziņģapņâ Kembuģât mâteņan mân sâm bâliņ kwatziņģâme.

¹²Ka laņ mâman a zo, ziņâ um nâņģânâņģâziņ buņ, zuu zâņgom nime, zo yatâ. Kut ņâi ņâigât topņâ kârur den laņ sâme. Zen zuu yatâ zâņgobap. ¹³A zo bâliņâziņangât sâņģân mimbi. Zen aņun buņ sirâmân kamân sombemân sâkkât âkņâle lum bâliņâ upme. Zen âkon buņ sii nalem sot kep kâmam zorat sâtâre upme. Zen osetziņan ândim um gulip kwatziņģânam yatâ upme. Ziņ osetziņan mân orotņâ op sii nalem nine zorat nâņģa aņunņoot uap. ¹⁴A zo, zen sinziņâ laņ ek nâņģâm âkņâle upme. Oi bâliņâ âkonņâ buņ upme. A lotņâ zen kut ņâi yatâ zorat mem um gulip kwatziņģâme. Kât sikumģât âkņâle op umziņ oip. A zo, zen simģât siņģi. ¹⁵Zen mâtâp târârak zo kândâtkom a sâņģiņâ, Bileam Berorogât nanņâ, zâkkât mâtâp bâliņâ zo lâņme. Bileam zâk bâliņangât sâņģân mimbatkât laņ oip. ¹⁶Zâk bâliņangât op siņan geip. Oi doņģi diņ buņandâ a den yatâ sâm Propete a Bileam zâk den kârâpņoot dukuip.

¹⁷Bâliņ mâme a zo, zen too kârâksâsâņ yatâ. Oi pibâņâ saru kom kâbakņei âim ģâmap, zo yatâ. A yatâ zo, ziņ ņâtâtikkât siņģi upigât sâsâņ. ¹⁸A zo, zen zâizâiņ den sâme. Oi a nâmbutņâ bâliņangât mâtâp birâm âlipņangât mâtâp âinam utne kâitzâņgom laņ ândiândiņâ mâtâbân diiziņģâne âine bâliņangât nep ârândâņ tuume. Ziņâ a itâ sâm dâzâņgome, ¹⁹“Zen yatâ opņâ dumun buņ ândim kwâtâtibi.” Zo ziņâ

bâliŋaŋgât dumunân zem sarâ yatâ sâme. Nen ko itâ nângen. A nŋaiŋâ wan mo wangât kore upap, zâk zorat dumunân zimbap.

Mâtâp sâŋgiŋan puriksâm sâi ko tosa mimbe.

²⁰Nânge. Singi âlip buŋâ, zeŋgât baŋet kândâtkom Kembu Yesu Kristo mâte okŋaŋgâm zâk sot pâlâtâŋ urâweŋâ puriksâm mâtâp sâŋgiŋan âinetâ bâliŋ kâtikŋâ upap. ²¹A yatâ zo Kembangât târâarak mâtâp mân ek lâŋne sâi bâliŋ bituk opap. Zen târâarak mâtâp zo lâŋâweŋâ den kâtikŋâ kwâkâm zingâne zo birâm mâtâp sâŋgiŋan âine bâliŋ kâtikŋâ upap. ²²A yatâ zo, zeŋgât den sumbuŋâ itâ sâme. Zo bon opmap,

“Wâuŋâ mogatŋâ zorik âburem dum nemap. Bâu zâk baŋerân saŋgon dum zagâtŋâ saŋgomap.”

Kembangât den zo yenŋâ mân upap.

3 ¹Bukurâpnâ, zeŋgât ekap zi kulemgua sâp zagât uap. Nâ umziŋ mâŋgia Kembangât den nâŋgâm kwâtâtibigât kulemgum ziŋgan. ²Kembangât singi a Propete, zen mârumŋan den sâwe, zorat nâŋgibigât otnigap. Oi Aposolo gakârâpŋâ nen kubikkubikniŋâ, Kembu Yesu, zâkkât den kâtik dâzâŋgowen, zorat ârândâŋ nâŋgâm kwâtâtibigât otnigap.

³Kânŋan itâ nâŋgâm kâtigibi. Hângât narâk âkâbâ sâi den ku a muyagem bâliŋaŋgât nep tuum ândim itâ sâbi, ⁴“Kembu gâbap sâme, zorat bonŋâ ikâ? Sâkurâpniŋ ândim muwe sot kut ŋâi ŋâi hân muyageibân gâbâ zem gaap, zo ka.” ⁵Zen topŋâ itâ nâŋgâm tâtâlîm den zo sâme. Anutuŋâ sâi sumbem zâk mârum ŋâi âsageip. Oi hân, zâk yatik. Zo Anutu diŋaŋgât tooyân gâbâ muyagem too sot zeip. ⁶Oi bet tooŋandik a sot kut ŋâi ŋâi gwâkâziŋgâm naŋgip. ⁷Oi hân sot sumbem zi ziabot, zo Anutugât denŋâ saaziki kârâpkât singi op ziabot. Hâuŋâ mimiŋ narâk mâte oi bâliŋ mâme a tâmbetagogigât mambât ziabot.

Kembu zâk neŋgât op narâk mem kârep pâmap.

⁸Bukurâpnâ, kut ŋâi zirât mân kwakpi. Kembu zâk sirâm kânokkât nâŋgi narâk kârep patâ yatâ opmap. Oi narâk karep patâ zorat nâŋgi sirâm kânok yatâ opmap. ⁹A nâmbutŋâ zen Kembangât itâ sâme, “Kembu zâk den sâip, zo bonŋâ muyagibapkât kwakŋâ narâk mem kârep kwâpmap.” Zen ko nâŋgâne yatâ mân upap. Buŋâ. A nâmbutŋâ tâmbetagogegât Kembuŋâ zeŋgât mambât ândimap. Zâk a pisuk patâ umziŋ melâŋâ zâkkâren mâte okŋaŋgâbigât nâŋgâmap.

Hân sot sumbem narâkzik âkâbap.

¹⁰Kembangât narâk zo kâsa takâme yatâ muyagibap. Muyagei sumbem kwamit patâ op buŋ upap. Oi kut ŋâi igikŋâ zo aksik kârâp sem naŋgâbap. Oi hân sot hân kwâkŋan kut ŋâi ŋâi muyageip, zo kârâpŋak

simbap. ¹¹Kut n̄ai n̄ai zi buŋ op nanŋâbap, zorat zen um hâlâlu sot târârak ândim siŋgi âlip mem ândibi. ¹²Yatâ op Anutugât narâk mambât ândibi. Oi narâk zo kek âsagibapkât nep tuum ândibi. Oi narâk zo mâte oi sumbem zo kârâp simbap. Oi kut n̄ai n̄ai igikn̄a zo kârâp bâlamân ziŋgesem too yatâ opn̄a buŋ upi. ¹³Nen ko sumbem uŋakn̄a sot hân uŋakn̄a muyagibapkât sâip, zorat mambât ândimen. Zoren târârak ândiândiŋ dâp op zimbap.

Den murukn̄a sot mâsop den.

¹⁴Bukurâp, zen kut n̄ai yatâ zorat mambât ândim Anutu mâtejan um hâlâlu sot tosa buŋ ândibigât umn̄a hâbam op lumbeŋâ ândine ziŋgiri dâp upap. ¹⁵Oi Kembuniŋandâ narâk mem kârepn̄an pâi itâ sâbi, “Kubikniŋgâbam yatâ uap.”

Bukuniŋâ, Kembugât Tirik Kaapumn̄a Paulo um bâbâlan kwâkŋanŋi n̄anŋânâŋgâ zo wâratkum den zo kulemgum ziŋgip. ¹⁶Zâk ekap kulemgumap dâp den zo sapsun ziŋgâmap. Ekapn̄an den nâmbutn̄a ziap, zo den muyap buŋâ. Oi den yatâ zo a kwakmak sot lolot zo, ziŋâ sâm gulipkume. Oi zâkkât ekap zoric buŋâ. Kembugât ekap nâmbutn̄a zo yatik opn̄a tâmbetagome.

¹⁷Bukurâpnâ, den girem kânŋan dâzânŋuan. A lan ândiândiŋâ zengât sâm gulipn̄a umziŋan giari loribegât gasâziŋ kârâm ândibi. ¹⁸Oi kubikkubikniŋâ, Kembu Yesu Kristo, zâkkât tânzânŋozânŋonŋan sot top n̄anŋânâŋgân kâtigem kinbi. Zâkkâren neule âsakn̄a zemn̄anŋap. Oi yatik zemn̄anŋâm zâibap. Zo perâkŋak.

Zo yatik.